

BOSNA I HERCEGOVINA
FEDEDRACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKI NAČELNIK



БОСНА И ХЕРЦЕГОВИНА
ФЕДЕДРАЦИЈА БОСНЕ И ХЕРЦЕГОВИНЕ
ТУЗЛАНСКИ КАНТОН
ОПЋИНА БАНОВИЋИ
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 743 400, Fax: 00387 35 743 433, e-mail: opcina@banovic.gov.ba, Web: www-banovici.gov.ba

Broj: 01-04- 2262 /20.
Datum: 19.10. 2020. godine

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, broj 49/06), člana 43. Statuta općine Banovići („Službeni glasnik općine Banovići“, broj 2/20), člana 4. Pravilnika o stipendiranju učenika i studenata sa područja općine Banovići („Službeni glasnik općine Banovići“, broj 6/16), i člana 7. Izmjene i dopune Pravilnika („Službeni glasnik općine Banovići“, broj:8/18), te člana 3. Odluke o stipendiranju učenika i studenata sa područja općine Banovići u školskoj/akademskoj 2020/2021. godini broj: 01-04-2076/20 od 05.10.2020. godine donesene uz saglasnost Općinskog vijeća Banovići datom Zaključkom broj: 01-04-288/20 od 01.10.2020. godine, Općinski načelnik raspisuje

K O N K U R S

za stipendiranje učenika i studenata sa područja općine Banovići u školskoj/akademskoj 2020/2021. godini

Raspisuje se konkurs za dodjelu stipendija redovnim učenicima srednjih škola i redovnim studentima sa područja općine Banovići za školsku/akademsku 2020/2021. godinu:

- za učenike srednjih škola dodjeljuje se **50 (pedeset) stipendija** u mjesečnom iznosu od **50,00 KM** i
- za studente **50 (pedeste) stipendija** u mjesečnom iznosu od **100,00 KM**.

Stipendije se dodjeljuju za deset mjeseci školske/akademske 2020/2021. godine, **bez obaveze vraćanja**.

KRITERIJI ZA DODJELU STIPENDIJA

Učenicima koji su u prethodnoj godini školovanja ostvarili uspjeh sa prosjekom ocjena 5,0 i uz navedeno osvojili jedno od prva tri mjesta na državnom, federalnom ili kantonalnom takmičenju u organizaciji resornog ministarstva ili Prosvjetno pedagoškog zavoda iz predmetne nastave i studentima čiji prosjek ocjena u prethodnoj godini studija iznosi 9,0 i više, dodjeljuju se stipendije bez primjene daljnjih kriterija.

Ukoliko se na raspisani Konkurs za dodjelu stipendija za određenu školsku/akademsku godinu prijavi veći broj kandidata koji ispunjavaju navedene uslove, od ukupnog broja stipendija koje se dodjeljuju za tu školsku/akademsku godinu, izvršit će se rangiranje takvih kandidata primjenom kriterija Pravilnika o stipendiranju učenika i studenata sa područja općine Banovići i Izmjene i dopune Pravilnika o stipendiranju učenika i studenata sa području općine Banovići.

Učenicima i studentima koji ne ispunjavaju prethodno navedene uslove, a imaju pravo prijave na konkurs, dodjeljuje se stipendija u skladu sa Odlukom o stipendiranju učenika i studenata sa područja općine Banovići u školskoj/akademskoj 2020/2021. godini i prema prioritetima za dodjelu stipendija koji se utvrđuju na osnovu slijedećih kriterija:

1. Uspjeh u učenju

Bodovi po ovom kriteriju dodjeljuju se na slijedeći način:

- a) Učenici i studenti prve godine studija na svakih 0,1 prosječne ocjene od 2,0 do 5,0 dobijaju po 2,0 boda,
- b) Studenti II, III, IV, V i VI godine na svakih 0,1 prosječne ocjene od 6,0 do 8,99 dobijaju po 2 boda.

1.1. Utvrđivanje prosječne ocjene

- za učenike prvog razreda srednjih škola, bodovanje po ovom kriteriju se vrši na osnovu ukupne prosječne ocjene iz VI, VII, VIII i IX razreda,
- za učenike drugog razreda srednjih škola, bodovanje po ovom kriteriju se vrši na osnovu prosječne ocjene iz I razreda srednje škole,
- za učenike trećih razreda srednjih škola, bodovanje po ovom kriteriju se vrši na osnovu ukupne prosječne ocjene prethodnih razreda, (I i II),
- za učenike četvrtih razreda srednjih škola, bodovanje po ovom kriteriju se vrši na osnovu ukupne prosječne ocjene prethodnih razreda, (I, II i III),
- za studente prve godine studija uzima se ukupna prosječna ocjena I, II, III i IV razreda srednje škole.
- za studente viših godina uzima se prosječna ocjena za prethodnu godinu.

2. Nagrade i priznanja

Kandidati koji su u toku prethodne školske godine učestvovali na kantonalnim, federalnim i državnim takmičenjima u organizaciji resornog ministarstva ili Prosvjetno pedagoškog zavoda iz predmetne nastave (za učenike srednjih škola i studente prve godine studija) i osvojili jedno od prva tri mjesta, imaju pravo na dodatne bodove i to za:

a) Kantonalna takmičenja

- I mjesto 10 bodova
- II mjesto 8 bodova
- III mjesto 5 bodova

b) Federalna takmičenja

- I mjesto 20 bodova
- II mjesto 15 bodova
- III mjesto 10 bodova

c) Državna takmičenja

- I mjesto 30 bodova
- II mjesto 25 bodova
- III mjesto 20 bodova

Kandidati imaju pravo na dodatne bodove samo po jednom osnovu.

3. Statusni položaj

Pravo na statusne povlastice imaju samo određene kategorije djece i mogu se ostvariti samo na temelju priložene dokumentacije izdate od nadležnih organa:

- a) Djeca šehida, poginulih i nestalih boraca, kao i djeca bez oba roditelja.....15
bodova
- b) Djeca ratnih vojnih invalida..... 14
bodova
- c) Djeca demobilisanih nezaposlenih boraca..... 13
bodova
- d) Djeca civilnih žrtava rata i djeca bez jednog roditelja 12
bodova
- e) Djeca iz socijalno ugroženih porodica.....11
bodova
- f) Djeca zaposlenih demobilisanih boraca.....10
bodova

Kandidati imaju pravo na samo jednu od statusnih povlastica.

4. Socijalni položaj

Kandidati stiču pravo na bodove ukoliko ukupna mjesečna primanja svih članova domaćinstva ne prelaze visinu prosječne plaće u F BiH, kako slijedi:

- a) Bez stalnih novčanih primanja..... 45
bodova
- b) Mjesečna primanja do 40 % prosjeka
plaće u Federaciji BiH za zadnje tromjesečje.....40
bodova
- c) Mjesečna primanja 40% do 50% prosjeka
plaće u Federaciji BiH za zadnje tromjesečje.....30
bodova
- d) Mjesečna primanja 50% do 75% prosjeka
plaće u Federaciji BiH za zadnje tromjesečje.....20
bodova
- e) Mjesečna primanja 75% do visine prosjeka
plaće u Federaciji BiH za zadnje tromjesečje.....10
bodova

5. Broj članova domaćinstva

Kandidati imaju pravo na po 2 (dva) boda za svakog člana zajedničkog domaćinstva. Broj članova domaćinstva dokazuje se Izjavom o zajedničkom domaćinstvu ovjerenom od strane nadležne općinske službe.

Ako se u jednoj porodici školuje istovremeno dva ili više učenika/studenata, dodaju se po dva dodatna boda za svakog, o čemu je potrebno dostaviti odgovarajuću dokumentaciju.

Napomena

Ukupan broj dodijeljenih stipendija za studente i učenike po godinama-razredima ne može iznositi više od 1/4 (jedne četvrtine) od ukupnog broja odobrenih stipendija za studente.

Broj stipendija za studente prve godine i učenike prvog razreda ograničava se na 1/5 od ukupnog broja odobrenih stipendija.

Ukoliko kandidati imaju isti broj bodova, prioritet se daje kandidatu sa slabijim socijalnim položajem, a onda kandidatu sa bolje ostvarenim uspjehom u učenju.

Svaki od prijavljenih kandidata dužan je prilikom podnošenja prijave na konkurs priložiti potpisanu i ovjerenu Izjavu da pod punom materijalnom i krivičnom odgovornošću izjavljuje da nije korisnik druge stipendije ili kredita iz nekog drugog izvora.

Provjeru dvojnog korištenja, ukoliko ocijeni za potrebno, Komisija može obaviti u svakom konkretnom slučaju, prije predlaganja liste za dodjelu stipendija Općinskom načelniku.

Komisija na osnovu kriterija utvrđuje Preliminarnu rang listu stipendista po razredima i godinama studija koju oglašava na Oglasnoj ploči općine Banovići, na koju zainteresovani kandidati mogu u roku od 8 (osam) dana od dana objavljivanja uputiti prigovor Općinskom načelniku.

Preliminarne rang liste stipendista sa uložnim prigovorima dostavljaju se Općinskom načelniku na rješavanje.

Nakon rješavanja po prigovoru, Komisija utvrđuje Konačnu rang listu stipendista.

Komisija neće razmatrati nepotpune prijave, niti prijave pristigle nakon zatvaranja konkursa.

Uz Prijavni list kandidati su obavezni dostaviti sljedeću dokumentaciju:

1. Uvjerenje o državljanstvu,
2. Potvrda o mjestu prebivališta (PBA 4 obrazac),
3. Potvrda da je kandidat redovan učenik, odnosno redovan student i upisana godina studija,
4. Svjedodžbe o završenim prethodnim razredima (za učenike):
 - a) Učenici I razreda srednje škole dostavljaju svjedočanstva (uvjerenja) od VI, VII, VIII i IX razreda osnovne škole.
 - b) Učenici II, III i IV razreda srednjih škola dostavljaju svjedočanstva iz prethodnih razreda,
5. Za studente i drugi dokumenti:
 - a) Potvrdu o položenim ispitima sa ocjenama i izvedenom prosječnom ocjenom za prethodnu godinu za studente II, III, IV, V i VI godine studija,
 - b) Studenti I godine studija dostavljaju svjedočanstva I, II, III i IV razreda srednje škole,
6. Potvrdu o upisanoj godini studija (za studente),
7. Potpisanu i ovjerenu izjavu podnosioca prijave da nije korisnik stipendije ili kredita iz nekog drugog izvora.

Nepotpunim prijavama smatrat će se one kojima nedostaju neki od gore navedenih dokumenata.

Pored gore navedenih dokumenata kandidatu pripadaju bodovi ukoliko priloži i sljedeće dokumente:

1. Diplomu o ostvarenom plasmanu na kantonalnom, federalnom i državnom takmičenju u organizaciji resornog ministarstva ili Prosvjetno pedagoškog zavoda iz predmetne nastave (za pravo na bodove po osnovu nagrada i priznanja),
2. Potvrdu od nadležnog organa (za pravo na bodove po osnovu statusnih povlastica),
3. Potvrdu od Službe za zapošljavanje za nezaposlene članove domaćinstva, odnosno za zaposlene članove domaćinstva ovjerene tri zadnje platne liste, za penzionere tri zadnja čeka i za lica koja imaju Rješenje o penzionisanju a nisu počeli dobijati penziju dostavlja se Rješenje o penzionisanju i tri posljednje ovjerene platne liste, za punoljetne članove domaćinstva poresko uvjerenje i sva druga stalna primanja (za pravo na bodovanje po osnovu socijalnog položaja),
4. Izjava o zajedničkom domaćinstvu (za pravo na bodove po osnovu broja članova domaćinstva),
5. Potvrdu ili potvrde za ostale članove domaćinstva, ako su redovan učenik ili student (za pravo na dodatne bodove po osnovu broja članova domaćinstva),
6. Ovjerenu izjavu za članove domaćinstva koji nisu zaposleni, a ne nalaze se na evidenciji službe za zapošljavanje.

Sva dokumentacija se dostavlja u originalu ili ovjerenoj kopiji.

Pravo učešća na konkursu imaju redovni učenici srednjih škola, odnosno redovni studenti prve i viših godina studija koji imaju državljanstvo BiH i prebivalište na području općine Banovići, koji prvi put upisuju godinu studija i koji ne koriste stipendiju ili kredit iz nekog drugog izvora, a školuju se u školama i fakultetima na području Bosne i Hercegovine.

Iz jedne porodice ne mogu dva kandidata ostvariti pravo na dodjelu stipendije izuzev:

- a) učenicima koji su u prethodnim godinama školovanja ostvarili uspjeh sa prosjekom ocjena 5,0 i uz to osvojili jedno od prva tri mjesta na državnom, federalnom ili kantonalnom takmičenju u organizaciji resornog ministarstva ili Prosvjetno pedagoškog zavoda iz predmetne nastave, i
- b) studentima čiji prosjek ocjena u prethodnoj godini studija iznosi 9,0 i više.

Obrazac- **Prijavni list** za prijavu na konkurs i obrazac – **Izjavu** da nije korisnik druge stipendije ili kredita iz nekog drugog izvora, kandidati mogu dobiti u Centru za pružanje usluga građanima-Šalter sali, općine Banovići.

Učesnici konkursa bit će oslobođeni plaćanja općinskih administrativnih taksi za izdavanje i ovjeru dokumenata koja su potrebna u postupku podnošenja prijave za dodjelu stipendije.

Nakon okončanja konkursa, dokumentacija se kandidatima ne vraća.

Prijave sa potrebnom dokumentacijom se predaju u Centru za pružanje usluga građanima-Šalter Sali, općine Banovići, Ulica Alije Dostovića broj 1. 75290 Banovići.

Konkurs ostaje otvoren 15 dana i to u vremenu 20.10 2020. godine - 04.11 2020. godine do 15,30 sati.

Rezultati konkursa će biti objavljeni na Oglasnoj ploči općine Banovići.

Za sve dodatne informacije zainteresovani kandidati se mogu obratiti Karabašić Jasmini, na telefon broj: 035/743-445, ili na web stranici općine: [www. Opcina-banovici.com.ba](http://www.Opcina-banovici.com.ba).



OPĆINSKI NAČELNIK



Midhat Husić